

600.  
DVCIS NEOBV RGICI

ad Poloniae Sceptum aspirans

& a multis inque traducti

IUSTA DEFENSIO.

X



Mag. St. Dr.



905007

II

750 K 1562/15 (49)

I  
tur,  
certi  
venie  
rum  
appe  
tunt  
rios,  
breu  
exul  
prod  
lanti  
pio  
iura  
tent  
alien  
um  
sholic  
lanqu  
Quit  
nosse  
Rher  
tame  
quæd  
ille,  
libris  
nunq  
prom  
simi  
Eccle  
nia  
tus p  
stus







firmabit: Est ille, qui Religiosos varios, acres veræ fidei defensores impensè diligit; qui Patres Societ: IESV in quinque Ducatum suorum urbibus, à Serenissimo eius Parente Wolffango Wilhelmo piæ memoriæ collocatos, & Collegijs quinque auctos fouet, nec satis habet beneficia ijs a Parente concessa, occupata tueri, sed nouis quoque accumulatur: Est ille, qui monasterium novum Patribus Franciscanis strictioris obiecturæ, & Monialibus Sanctæ Matris Teresiæ in vrbe Neoburgensi a fundamentis excitauit: Est ille qui templa varia, munificentia non tantum Principe, sed & Rege digna ornatu preciosissimo ac multis imperialium millibus sumptuoso ditauit: Est ille, qui Serenissimis suis liberis nihil ita instillari iubet & vrget, quam Fidei Catholicæ studium: cuius sanè studij ardorisq; eximium specimen Serenissimi liberi, ab Illustrissimo Electore Stettensi Principe ad conuiuium vocati nuper edidit, dum eius principis aulicum secta lutheranum rationibus non modo ingeniosis, sed supra quoq; ætatem maturis & solidis ad stuporem omnium exagitarunt, atq; vt Romanam fidem amplecteretur, gratiose simul & fortiter impulerunt: Est ille, qui prolixis quotidie precibus, quoridiano Missæ Sacrificio, qui quot festis diebus concioni, qui omnibus ijs, quæ à religiosissimo Principe exigi possunt ita sedulo vacat, vt in veræ fidei ac totius Religionis cultu à nullo modernorum Principum se vinci patiatur.

Instas: *An Coniux moderna Serenissimi qualis est? an non Lutherana aut Calviniana heresi infecta?* Minimè. Coniux Serenissimi moderna tam parum Lutherana est aut Calviniana, quam ego, qui isthæc scribo: ipsa enim non modo anno huius sæculi quinquagesimo tertio Lutheri sectam adhuc tenera, maturè & sincere eiurauit, sed interea temporis exactè matrem æmulata, cum eodem officijs omnibus, quæ Matronam eximie piam & Catholiam decerent, pulcherrimo Aulae & ditionum subiectarum exemplo concertauit. Quod si probro das olim Caluino Lutherò que adhæsisse, at eum modò velis remisque fugere, tu n tu o certe iudicio permulti hodie Heroes & Heroinæ damnandi erunt: disparq; tu eris Angelis bonis, qui gaudent super vno erpeccatore poenitentiam agente.

Opponis deinde: *Neoburgicus Princeps sexagenarius est ac senio fractus,*



*Podagricus* imò *Podagricus* & *ager*, nec per laboribus, quos in regnante suo bellio  
cosa *Polonia* exigit. Pace tuâ dixerim: vana & ficta sunt hæc omnia.  
Serenissimus ille, natus est Anno à Christo nato 1615. die 25.  
Nouembr: Quo pacto igitur tu cum sexagenarium venditas,  
qui nonnisi Annos 53. habet? an iste senio fractus, cui in e-  
questribus exercitijs nullus in tota Aula sua, etiam hodie dum  
par est, & cuius post res serias ritè curatas, ludus solennis ac  
propè quotidianus esse solet Ceruorum, aprorum, aliarum-  
que ferarum, uti & ardearum etiam violenta exagitatio ac ve-  
natus, Quid? ille *podagricus*, quem nulla vnquam afflixit  
*podagra*? ille *ager*, qui non modo omnium, qui Principem  
familiarius cognouère, sed medicorum etiam timorata consci-  
entia, & rei medicæ perquam peritorum calculo, complexi-  
onis tam sanæ & robustæ etiâ nunc est, ut multos in annos su-  
perstes esse queat, ni Deus casu subito, qui etiâ iuuenē sæpè inue-  
nit, vitâ Principis minimè adhuc fatiscētē subruerit. Anilis igitur  
metus est, eo electo, Rempublīcā mox denuò orbā fore. Vanitas  
est, cum pro effæcto senē traducere, quem nulla ad id locorum  
senilia seu corporis, seu animi vitia tetigere.

*Insurgis tertio*. Dux *Neoburgicus* cum *Barbaris* quoq; gentibus iis  
fœdera, Cosaci, *Tartari*q; *Neoburgici* pecunijs corrupti in procinctu stant, ut per  
fratrum ac Ciuium funera, feroci *Candidato* adiutum ad Sceptra & Coronas aperi-  
ant. Id nego, id pernego: id merissimam & malitiosissimam  
esse assero calumniam, iupremumq; Numen testor, pientissimo  
ac religiosissimo Principi nullum vel vllius literæ, taceo, pacti  
commercium cum *Barbaris* vnquam fuisse. At fœdera habet cum  
*Christianis* alijs & vicinis Principibus. Habet, sine tamen vlllo *Reipublicæ*  
*Polonæ* detrimento, sine vlla eius iurium & *Privilegi*orum sta-  
tusq; patrij læsione. In fœderibus singulis, aut hæc, aut similia,  
verba inserta esse tu noueris: *Expresse* profitentur, quod per hæc pacta  
non intendant *Scatui*, & iuribus & imprimis libera Regis eligendi facultati sæpè  
dictæ *Reipublicæ* & *Magni Ducis* *Lithuanicæ* nullatenus vel in minimo  
derogare vel præiudicare. At certis Principibus cum promoturis *Pro-  
vinciis* ex pacto iam debet, quæ promissit. Quæro ex te: Quas *Pro-  
vincias*? *Polonas*, inquis. Deum immortalem quanta hæc est,  
mentiendi, & suspicandi licentia. Ego Deum testor, & is nouit,  
quia non mentior, nec *Sueco*, nec *Brandenburgico*, nec vlli  
externo Principi non terræ *Polonicæ* pedem, imò nec latum  
vnguem a Serenissimo hoc Duce addictum esse, quid tu ad



*ista, quæ tamen verissima sunt? redarguis: Saltem ex Ducatu Neoburgi, Luthia, montium, notabiles portiones fautoribus suis cessit, donavitque. Et in hoc magnopere erras, & quod asseris, a mortalium nullo probari poterit.*

Quartus tuus impetus est: *Neoburgicus Dux pauper, quo singulari Republicam beare commode poteris? quæ opibus ditare? Obsecro te his verbis parcitum velis, ne ista nationes externæ audiant, arbitrenturq; a Polona Gente (quæ rectissima & gloriosissima semper audit) iam Sceptra & Coronas venum exponi, quæ olim maiores non per vinculatas auro, sed liberâ atq; omnino equâ Electione deferre solebant, ijs, quos Regno fuisset viribus & opibus sat potenti, bene administrando patres & idoneos esse sentiebant. Quodsi tamen cupidior, lucra & ditia commoda desideras, nec ista desunt. An non magnum Reipublicæ commodum est aurea pax, fecunda opum parens, ac secura conservatrix, quâ indubiè Polonia fructur & ab omni cum vicinis bello (si barbaros exceperis, hereditarios, quisquis demum Catholicus rexerit, Poloniæ hostes) imò & belli metu libera surget, & gloriosum caput in auras effeferet, si illi Neoburgicus præsit, quem amant, quem commendat vicini Christiani Principes omnes Sed & audi, quam pauper sit: Dux ille Regni Candidatus, in annos singulos (taceo contributiones copiosissimas in Comitij Statuum eidem assignari solitas) ex prouentibus ordinarijs etiam modò plura centena imperialium millia percipit. Dux ille paratus est Reipub. præstare multa præclara. rogas quæ illa? quiesce paulisper: intelliges ubi qui missi sunt a Duce, ad Reipublicæ alloquium admissi fuerint. & caue dixeris: pollicetur dives quilibet esse potest, crede mihi nihil pollicebitur Princeps, nisi quod scit se servare & velle & posse. & quod Poloniæ semel dederit, nunquam repetet. At ego hic te paucis: Dux alter cui tu studes, unde habet sumptus illos profusiores qui eius causâ iam sunt, quatuor illos milliones, quos Reipublicæ oblaturus dicitur? Sunt qui conijciant, nec vanè, dedisse mutuos Carolum Seniore, Caroli Junioris patrum: quibus conditionibus? ut filius patruo non legitime natus tam diu Lotharingiam possideat, usq; dum pecunia data restituatur, unde restituetur? non viden*



Ne deo fieri possit, nisi ex Polonia redivitis suo tempore id fiat.  
O oblationem miseram, & donationem parum Regiam: Quod  
iam Poloniae datur ipsa reddet, & quod iam offertur, cum  
tempus erit, auferetur iterum.

Obex quintus: *Tue iudicio est copiosa Ducis Proles, Masculi octo, Femellae tres, quos plures forte succedent.* Cur criminarius liberorum multitudinem, quā velut basi niti solent fundariq; regnatrices docunditatem improbas. improbo, ais, quia ubi multis legem liberi, ibi illis Provinciarum regimen, Episcopatum militas, militie praefecturas, Palatinum munia obtingere & concedi necesse est, negariq; bene meritis. Na tu sollicitus es, & turbaris erga plurima. Serenissimus Dux non plures in Regnum liberos inducet, nisi quot, & quos Respublica volet idq; pollicebitur iuratus. unde ergo vivunt reliqui inde, unde modo dum in aetate tenera sunt, ex prouentibus paternorum ducarum dū adulti fuerint, ex beneficijs & officijs haecenus in Germania procuratis & procurandis impofterum. Verum haec beneficia impatiuntur, quae Ducem alunt. Bone vir, Decanius & Praepositura Coloniensis alere potuit Ducem Lotharingia Francicum tot annis, poterit & Ducē Iulie, qui res Germania vel à limine salutarūt, nonūt, quot in ea Principes vni Ecclesiasticis prouentibus laute, & ita, vt Principes decet, vivant. Ad extremū te interrogo: quid si Candidatus alter vxorem ducat (quā illi ē Gallia Regina defunctae ex Sorore neptem, plures potenter & cum magnis promissis offerunt, vt viri sagaciores affirmant) quanti sumptus faciendi erunt, à Republica in nouas Regis adhuc coelibis nuptias, quibus ipsa omnino libera futura est, si Neoburgicum elegerit? tum quid si ex ea liberos æque multos aut plures suscipiat, quis eos aliet? nonne vna Polonia?

Rem ora sexta, eaq; non minima: Dux ille factioni Gallica est illigatus, & à Gallo ad Regnum promouetur; & quidni ergo Gallus sit: retorquico: quidni Cæsareanus sit, quem ad Coronam vnicē Cæsar per Legatum suum pro vno Neoburgico peroraturum commendat: tum considera, qui inter Polonos sint, qui Neoburgicum maximē Regem velint: an non pleriq; tales, qui armis & consilijs Reginae conatus aliquando represserunt? vrges denud: Ad quid ergo ista exterorum Principum commendationes, si ipsi P.



*Pudet ? dicam : Commendationes illæ Ducem Polonis non obtrudunt, sed offerunt, & eligendum non extorquent, sed iuadent. Liberrima interim manet Nobilitati Polonæ electio, & per eam ubi Regnum Dux acceperit, vni Polonorum benevolentia, quoad viuet, in acceptis totum referet.*

*Succedit denigratio Septima. Neoburgicum abdicationem Regis procrastinat. id tu asseris, sed quæ probas ? Sanè contra te pugnat illud, de quo certus sum ego : nempe à Serenissimo Principe filiam propriam in Coniugem Ioanni Casimiro viduo oblatam esse, ut ipse Rex manens ex ea Iagellonis Stemma tam Polonis amicum propagaret. abdicatione Rege dedit, inquis munera, ut ipse Rex fieret. id credam tibi, ubi eos qui munera acceperint recusaueris conuicerisq; tum si factum, quid peccati sit per dona velle assequi Coronam ? aliud est Mithra & aliud Corona. & quid si tuo iudicio & ille Reipub. regendæ sit aptissimus, qui sparsit munera, quid facti opus ?*

*Hic inter Sacrum saxumq; statur.*

*Vltima cæq; , ut putas, impressio valida est: Neoburgico, quia Princeps Germaniæ, aditus ad sceptrum Poloniæ præclusus esto. Non credam apud te Germanum nasci ; esse vitium originis, seu originale peccatum politicum, quò qui infectus sit, ad Regnum Poloniæ aspirare nequeat. Sanè, Sædæra magnus inter Hispanos politicus Nationem Germanicam dignissimam asserit, cui credantur Imperia, cur non & Regna ? Loquuntur multa iam sæcula Principes Germanorum familias per vniuersam penè Europam Regum avelut promptuarium extirpare. Nihil de Romani Imperij translatione, de Italiæ Regno, Hierosolymitano, & Constantinopolitano nihil dicam. Magni illi Francorum Monarchæ Capetingij nonne se ex stirpe Saxonum Witikindea ferunt ? dignatione pares Hispani, illi Pomæriorum orbis & catholici Christianismi propagatores, nonne in Austriacam ditionem singulari Europæ & reliqui orbis fato concesserunt ? Angliæ Reges à Gulielmo conquæstore Normannorum Germanicæ gentis Principe descendunt. Daniâ & Noruegiâ superiore sæculo Holfatiæ Duces, Sueciâ nuper gloriosissimi Palatini non iuris necessitate sed spontaneâ gentium electione potiti sunt. Iam verò si tot præclarissimis nationibus regnisq; rectè moderari queant Germani, cur non & Poloniæ, si in eam vocentur, cum*



cum qua si vlla orbis Prouincia. certe Germania in libero illo  
suauiq; populorum regimine maxime conspirat. quanta est fa-  
cilitas Cæsaris imperantis inter Germanos. tanta, si non ma-  
ior, est Principis regnantis inter Polonos. Id qui negat is pro-  
fecto & solem in pleno meridie fulgere, negare ausit. Sed ne-  
q; id subsistit, quod dicitur *Germanus Polonos exosos esse*. cur enim  
oderint? an non Austra Germaniæ pars nuper Poloniæ labo-  
ranti, succurrit?

Atqui amicus certus in re incerta cernitur.

Quæ omnia cum ita sint, vti sunt, quis non videt Se-  
renissimo huic Principi hodieum Vladislai Regis iudicium  
supremis tabulis Neoburgicum ad Sceptra commendantis suf-  
fragari? etiam modernâ tempestate hic si esset, non aliter sen-  
tiret nam Sororium suum inueniret viribus corporis non fra-  
ctum, sed integrum, & animi dotibus auctiorem multo, quam  
erat, cum ipse viueret. Mirû enim quantum dotes illæ multâ re-  
rum experientiâ, & assiduo virtutum exercitio creuere. Vos  
igitur, vos appello noui Regis Nobilissimi numerosissimiq;  
Electores, atq; vnicâ ratiotione rem totam expeditum  
Polonia Regem. nominet, qui Regno præ omnibus maxime  
expedit, atqui talis ante omnes Dux Neoburgicus est quem  
defendi, & quem compendio descriptum, ac quasi in tabua de-  
pictum exhibeo. Hic Vir, hic est, quem clarissimi Palatina  
Domus natales commendant, qui vel ipsa oris specie, Augu-  
sta corporis præcæritate, magna omnia pollicetur: hic zelosis-  
simus est Fidei Romanæ Catholicæ propugnator; Dei amans  
& metuens, si vllus, in Deiparam & Superos & olim in Sere-  
nissimos Parentes, dum viuerent, obseruantissimus, & vel ex  
hoc capite benedictione omni ac felicitate Regiâ dignissimus

Hic gloriosissimo in Principe exemplo, vitæ semper in-  
nocuæ, & siue cœlebs, siue coniugatus, semper labis & omnis  
notæ expertus: hic ætate maturus; minime tamen debilis sed  
viribus corporis nec iuueni impar, adeoq; & Togæ & Sago  
idoneus: hic excellæ mentis Heros Polono militi in omnia  
ebellorum pericula & Comes & Dux iturus est. uti iuit olim,  
cum ipsi a senæ Parente exercitus commissus, quem in Ele-  
ctorem Brandenburgicum duceret. Sunt qui meminerint tum à  
lacrymante Parente tribunos cæteros, campiq; ductores rogatos  
esse,



**esse**, seruarent Filium, nec fnerent suo ipsum impetu in hostem ferr:, alioqui præ  
vum & præcipitem in maxima quaq; discrimina ruiturum. sunt quoq; qui  
meminerint veteranos belli Duces, qui multa sub Serëis Lotharin-  
go seniore stipendia fecerant, de Principe hoc testatos esse:  
cum unus Cæsaris & Militem & Imperatorem enadere poss: eximius, tam al-  
tam capacemq; mentem in Principe laudato obseruârunt. Hic  
longâ regendi arte & multo publicorum negotiorum solertèr  
tractandorum vsu, iam clarus, regnatricem scientiam non est  
quod in Polonia discat, cum eam alibi iam dudum exercuerit:  
Hic rari ingenij & prudentiæ Princeps se ipsum, & viros sapi-  
entissimos consulere suctus, non Coniugem, non foeminas  
alias iudicijs cõsilijsuè suis immisceri passus est hætenus, nec porro  
patietur; nouit muliebrem indolem esse eam, in qua iudici-  
um debile, & affectus vehementiores plerumq; dominari so-  
leant Hic mirè comis in omnes; in animis conciliandis potens;  
in benemeritos munificus, a belli periculo obditiones hæredi-  
tarias (queis nemo vicinus inhiat) remotus; inimicus nemi-  
ni, nisi barbaris. Romano Cæsari dilectus; commendatus ab  
omnibus: Hic genere, moribus & indole, non barbarus, sed  
Germanus integer, libertatis dulcedini innutritus, nec vlli eam  
inuidens, imò Polonus, cum Regum Polonorum Bis Nepos,  
affinitate nimirum & sanguine ( vti editæ Genealogiæ testantur )  
& Poloniæ ipsi iam pridem amicitia & hospitio coniunctus sit:  
Verbo: Hic est, quem non spes, sed res commendat.

Quid restat? Conclusio. tu eam fac Polone Nobilis,  
ac dicito.

Ergo Neoburgicus REX esto.

